

ФЛОР ВАСИЛЬЕВЛЫ - 85 АР

# Калык доры сюрес

Любовь КУРТЕЕВА.

Яр каргурт

**Яр ёросын Флор Васильевлэсь нимзэ уг ву-нэто. Быдэс ар чоже татын ортчиз «Звени над Яром, песня Флора!» бадзым литературной марафон. Со лы йылпумъянъёс лэсьтйзы 19-тй тулыспалэ, кылбурчилэн вордскем нуналаз, «Дорога к людям начинается от сердца» элькун фестивалын.**

## Улонэз адзытон

Фестивале трос калык люкасыкиз, пöлазы - Удмуртиысь писательёс, художникъёс, композиторъёс. Зеч кылъёсын куноосты пумитаз Яр ёроslэн йырыз Тамара Уткина.

Ужрад кутскиз Ф. Васильевлэн кинортэменыз книгаосты, поэтлэсь туспуктэмъёссэ, куд-ог арбериоссэ адзытонисен. Адзытонэ вуэмгёс Ф. Васильевлэсь кылбуръёссэ лыддизы. Кылбурчиен 2 пол пумиськемез сярысь тодаз вайиз Людмила Яковлева.

- Ф. Васильев вуылйз Ярысь педучилищее 1974-тй арын. Ёрос газетмы юнкоръёсыз понна со пумиськоннэз радгъяз, - вера Л. Яковлева. - Мон соку кылбурчилэн бордаз кыскись кужымезлы, шуньтэзлы пайми. Ми ваньмы солэн кылбуръёсызлы синмаським, автографсэ курим. Книгаосы кинюртэмзэ пуктылыкуз, со милестым нимтульёсеме юалляз. Мынам Нелюбина фамилие солы тунсыко потйз, вылды, - йырзэ жутйз но мыным пальпотйз, зеч кылгёс кни-



«Сельская правда» газетлэн «ВКонтакте» балысьтыз

гае гожтйз. 2-тйзэ мон сое адзи 1976-тй арын Ижкарнын ортчем пумиськоннын. Ф. Васильев мукет адыми кадъ потйз мыным. Со малпангёсаз выемын вал, сое ушгъяс кылгёс кылбурчины оз яралэ кадъ. Мон сыгёе востэм муртэ улонам ой ни пумиталля.

Кылбурчилэн пиез Сергей Васильев возматйз архивгёсысь люкам материалгёсты. Соос Флор Васильевлэн егит дырыныз - Глазовысь педучилищечын но пединститутын дышетскем вакытэныз - тодмато.

## Устьонез трос на

Фестивальлэн гала-концертаз зечкылазы кибашлыослэн, шара лыдзисьёслэн, суредаськисьёслэн, композиторъёслэн но кырзасьёслэн конкурсьёсазы вормисьёсты.

2014-тй арысен Ярын «Тюрагай» литератураыя премия сётйське. Быдэ вуэмъ-

ёс пöлын премиен пусйизы Занкагуртысь Екатерина Болтачеваез.

Премиясын озы ик пусйизы конкурсэ пырыськем кибашлыосты. Ярысь 2-тй школаын дышетскись Дарья Петухова трос аргёс чоже киужен выре, пöртэм кружокгёсы пырыське. Ярысь Марина Данилова 25 ар киужен выре ини: туалала шöмо удмурт дэремгёс вуре, мунёос лэсья, ёросын куиськон но пужкыятскон удысьёсты азинтэ.

Суредаськисьёслэн вожвыльгъясконоказы вормиз Эгралась искусствоосъя нылпи школаын дышетскись Алёна Корепанова.

Шара лыдзисьёслэн конкурсазы вормизы Ярысь Антон Дюкин, Балезино ёросысь Ольга Першина, Глазов ёросысь Марина Суворова. Озы ик нимысьтыз кузъмен пусъемын Глазов ёросысь Октябрьской черкогур-

## Ф. Васильевлэн пиез С. Васильев ярьёсын чош.

тысь культураыя юртысь драмкружоке ветлйсь Екатерина Мышкина но Руслан Князев. Вормисьёсты зечкылаз кылбурчи, драматург, Удмуртиысь Писательёслэн союзнызы кивалтйсь Пётр Захаров. Со ярьёслы тау кариз Флор Васильевлэсь нимзэ утемзы понна.

Ижкарнысь ик вуиз кылбурчи, критик, литератураез эскерись Виктор Шибанов.

- Ф. Васильевлэн тодмо чургёсыз сцена вылын чем чузгъяско, - вераз ужрадын В. Шибанов, - но солэн туж трос мукет, сокем тодмо луйсьтэм, кылбуръёсыз. Солэн кылбуретысьтыз трос выльзэ усьтыны луоз на. Шумпотымон, Ярын улон уртче шуыса, творчествоен пöртэм арлыдо адымиос выро. Писательёсты татын котьку шуньт пумитало. Куазь сярысь верано ке, туннэ со зэм

но флоровской - жобаське, зэмос кион сюан толзэсь, кызыбы февралез ниманы яратэ вал Ф. Васильев.

Крезьгургья конкурсэ пырыськызы ёросысь коллективгёс. Соос возматйзы Ф. Васильевлэн кылбуретэзлы но Удмурт шаерлы сйзем номергёссэс. Премия сётгёмын Укан гуртысь «Зареница» ансамбльлы.

Крезьгурчиослэн но кырзасьёслэн конкурсазы вормисьёсты жюри оз бырйы, вань пырыськисьёсты дипломгёсын но кузымгёсын пусйизы. Удмуртиысь Композиторъёслэн союзэнызы кивалтйсь Марина Ходырева верамгья, самодетельной композиторгёслэсь кырзангёссэс дунгьяны секыт. Соосты калык но дыр гинэ дунгьяны быгато, кырзан калыке вöлке ке - со валтйсь вормон, пусйиз М. Ходырева.

Крезьгурчиосты но кырзасьёсты зечкылаз Удмуртиысь Йöскалык библиотекалэн директорез Татьяна Тензина.

- Ф. Васильевлэн творчествоез зеч возматгэ, литературалэн кунгожгёсыз öвöл шуыса, - малпанзэ усьтйз Т. Тензина. - 2016-тй арын Дагестанын ортчем «Многоцветье культуры русского мира» фестивалын мон Удмуртия сярысь верай, презентацилэн пумаз чузгъяскызы Ф. Васильевлэн «Хватает Волге широты и сини...» тодмо чургёсыз. Ачим но пайми, макем соос калыкез бугыртйзы! Кыгёе матын соос выльэм котькуд адымилы, угось котькудйз понна Россия вордскем гуртысеныз, аулысеныз, карысеныз кутске. \*\*\*

## «Мон грузчикед тынад, Даур!»

Ольга ВАХИТОВА

**Адыми но общество, поэт но власть - тагёе ужпумгёсты жутйз тодосчи Вера Пантелеева Флор Васильевлы сйзем лекцияз.**

Национальной библиотеке люкасыкиз пöртэм калык - удмуртгёс но мукет выжыосысь адымиос, кин ке тодмо удмурт кылбурчи сярысь кылылэмьын гинэ, мукетгёсыз лыктйллям творчествозэ зечгес валан понна.

Кызы шуэ В. Пантелеева, котькуд адыми сямен ик, Ф. Васильев но - аслаз вакытгёслэн нылпиез. Пыдлос Яр ёросысь Бердыш гуртын 1934-тй арын вордскем пияш, Глазовысь пединститутын дышетскыкуз, вузсысь комсомолецгёсын кивалтйз. Институтэз йылпумгьяса, 24 аресказ, - быдэс городысь егитгёсын, угось ВЛКСМ-лэн Глазовысь горкомезлэн секретарез



Ф. Васильев.

луэ. Со вакытэ кивалтон система «ответственной» егитгёсты чалык киултылыз, бордаз лякылйз!

Со кивалтон бордысь Ф. Васильев улытояз мозмытскыны оз быгаты ни, оло, оз но туртты - йöнала писатель лыдзисьёссэ будэ-

тыны, сёраз валгыны кулэ вал. Озы Флор Иванович но, Иже лыктыса, луиз «Комсомолец Удмуртии» газетлэн редакторез, собере - «Советской Удмуртия» газетлэн редакторезлэн воштйсез, «Молот» журналлэн редакторез, кивалтйз Удмуртиысь Писательёслэн союзэнызы...

Быдэс нунал калыкен ужаса, гожгъяскылыз уйёсы. Со пушкын котьку улйз лирик, шуэ В. Пантелеева. 1960-тй аргёсы гожгъяно вал космосэ лобан, завод пуктон, нянь кутсан сярысь. Флор Васильев но бусыын ужасез дангьялляз, но ачиз сямен: планэз быдэстыны öтёнгёстэк, гуртын улйсь адымилэн быгатонлыкеслы синмаськыса. Валамон, творчествоаз шöдйськытэк оз кыле Москваысь пельгйсь төлгёс но: «оттепель» вакыт тунгон-жильыосты кöня ке лябзйтыз. Ф. Васильев поттэ «Тон сярысь», «Нош ик

тон сярысь», хрестоматийной луэм «Гажан дыр» сборникгёссэ - яратон, вордскем музейем, Бердышез сярысь. 1968-тй арын «Родной кыл» кылбур гожтэ, собере - «Мон - язычник, Инмаре - инкуазь...» Вань удмуртсэ утён сярысь гожгъяны, астэ оскись шуыны соку кышкыт вал. Ф. Васильевлы пумит бугыргъяскисьёс нош ик шедизы.

Жоген улоньсы кошкиз кылбурчилэн музаез - Фаина кузпалыз. Ф. Васильев туж куректыз. Вылаз ик, СССР-ын политика воштйськиз но, творческой адымиослэсь эриксэс сюбегатыны кутскизы. Нош Ф. Васильев пуш улонэн, яратонэн тырмытэм кылбургёс гожгъя но гожгъя. Туж шыпыт поэт, шуо со сярысь, но нылкышнолэн но воргоронлэн кусыпсы сярысь укыр шара, пе, вералля. Кылбурчиз нош ик тышканы кутскизы. Кыгёе ке А. Волков обкоме

уртгылыськон гожтэм, Ф. Васильевлэн творчествоез - со «клевета на советскую жизнь» шуыса. Кылбурчи партия ласянь «визьмамль» уг сётйськы - 1978-тй арын Кузубай Гердлэн юбилеезлы сйзем жыт ортчытэ (югдытйсьмылэсь нимзэ соку потгылыны ик уг яра вал). Ф. Васильевлэн йыр вадьсаз кылдо пилемгёс...

1978-тй арын Красногорск ёросын удмурт культураыя нуналгёс ортчизы. Отысь бертыкуз, кылбурчи көшкемыт аварие шедиз...

Адыми вордйськон вакытсэ уг бырйы. Со улэ дыр куремкосэмгья, ныпгетсэ куштыны вормыгэк. Ф. Васильев сое вазь валаз:

*Мон  
грузчикед тынад,  
Даур!*

*Мон жоктйсько  
Вагонгёстэ,  
Тырмытйсько*

*вагонгёстэ...\*\*\**